



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

29.06.2020թ.

## Ո Ր Ո Շ ՈՒ Մ

### ՀՀ գնումների հետ կապված բողոքներ քննող անձի թիվ ՍՑ-ՆԳ-2020/127

Հայաստանի Հանրապետության գնումների հետ կապված բողոքներ քննող անձը՝ ի դեմս Գրիգոր Ներսիսյանի, ուսումնասիրելով Հայաստանի Հանրապետության ֆինանսների նախարարության 12.06.2020թ. թիվ 26/26-1/8759-2020 գրությամբ «Saba» LTD-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեցի հետևյալը.

#### **1. ՀՀ ֆինանսների նախարարության ներկայացրած փաստերը և պահանջը.**

ՀՀ ֆինանսների նախարարությունը «Կարեն Դեմիրճյանի անվան Երևանի մետրոպոլիտեն» ՓԲԸ-ի 08.06.2020թ. թիվ 39/02-15-352 գրության հիման վրա 12.06.2020թ. թիվ 26/26-1/8759-2020 գրությամբ նախաձեռնել է «Saba» LTD-ին (հետայսու նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

#### **2. «Saba» LTD-ի ներկայացրած փաստարկները և դիրքորոշումը.**

«Saba» LTD-ի կողմից ՀՀ գնումների հետ կապված բողոքներ քննող անձի սույն որոշումը կայացնելու օրվա դրությամբ գրավոր դիրքորոշում չի ներկայացվել:

«Saba» LTD-ն, պատշաճ ծանուցված լինելով ՍՑ-ՆԳ-2020/127 ընթացակարգի շրջանակներում 19.06.2020թ. ժամը 10:00-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

### **3. «Կարեն Դեմիրճյանի անվան Երևանի մետրոպոլիտեն» ՓԲԸ-ի կողմից ներկայացված փաստարկները և դիրքորոշումը.**

«Կարեն Դեմիրճյանի անվան Երևանի մետրոպոլիտեն» ՓԲԸ-ն (հետայսու նաև՝ Պատվիրատու) ՀՀ ֆինանսների նախարարությանն ուղղված 08.06.2020թ. թիվ 39/02-15-352 գրությամբ հայտնել է, որ գնումների մասին ՀՀ օրենսդրությամբ սահմանված կարգով «Կարեն Դեմիրճյանի անվան Երևանի մետրոպոլիտեն» ՓԲԸ-ի կողմից 13.04.2020թ. հայտարարվել է «ԵՄ-ԳՀԱՊՁԲ-20/28» ծածկագրով վազոնի պահեստամասերի ձեռքբերման գնման ընթացակարգ:

Ընթացակարգին մասնակցության հայտ է ներկայացրել «Saba» LTD-ն: Ընթացակարգի գնահատող հանձնաժողովի որոշմամբ 15-րդ, 16-րդ, 17-րդ, 26-րդ, 29-րդ, 30-րդ, 31-րդ, 33-րդ, 46-րդ, 49-րդ և 50-րդ չափաբաժինների մասով հաղթող (ընտրված) մասնակից է ճանաչվել «Saba» LTD-ն:

Պատվիրատուն հայտնել է, որ օրենքով սահմանված կարգով անգործության ժամկետի ավարտից հետո՝ 14.05.2020 թվականին, Ընկերությանը ներկայացվել է պայմանագիր կնքելու առաջարկ: Ընկերության կողմից սահմանված ժամկետում չի ներկայացվել «ԵՄ-ԳՀԱՊՁԲ-20/28» ծածկագրով վազոնի պահեստամասերի ձեռքբերման պայմանագիրը, որակավորման և պայմանագրի ապահովումները: «Գնումների մասին» ՀՀ օրենքի 36-րդ հոդվածի 3-րդ մասի համաձայն՝ Ընկերությունը զրկվել է պայմանագիր կնքելու իրավունքից:

Ամփոփելով վերոգրյալը՝ Պատվիրատուն հայտնել է, որ ղեկավարվելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի բ) ենթակետով՝ առաջարկում է Ընկերության նկատմամբ կիրառել Օրենքի 50-րդ հոդվածի 7-րդ մասի 2-րդ կետով սահմանված դրույթը:

Պատվիրատուն, պատշաճ ծանուցված լինելով ՍՑ-ՆԳ-2020/127 ընթացակարգի շրջանակներում 19.06.2020թ. ժամը 10:00-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

#### **4. ՍՑ-ՆԳ-2020/127 ընթացակարգի քննության համար էական նշանակություն ունեցող փաստերը.**

ՍՑ-ՆԳ-2020/127 ընթացակարգի քննության համար էական նշանակություն ունեն հետևյալ փաստերը.

1.«Կարեն Դեմիրճյանի անվան Երևանի մետրոպոլիտեն» ՓԲԸ-ի կողմից կազմակերպվել է «ԵՄ-ԳՀԱՊՁԲ-20/28» ծածկագրով գնանշման հարցման ընթացակարգ (հետայսու նաև՝ Ընթացակարգ), որին մասնակցելու նպատակով հայտ է ներկայացրել «Saba» LTD-ն:

2. Ընթացակարգի գնահատող հանձնաժողովի 07.05.2020թ. նիստի թիվ 5 արձանագրության համաձայն՝ «Saba» LTD-ն Ընթացակարգի 15-րդ, 16-րդ, 17-րդ, 26-րդ, 29-րդ, 30-րդ, 31-րդ, 33-րդ, 46-րդ, 49-րդ և 50-րդ չափաբաժինների մասով ճանաչվել է հաղթող (ընտրված) մասնակից, և որոշվել է անգործության ավարտից հետո հրավերով նախատեսված կարգով վերջինիս հետ կնքել պայմանագիր:

3. Ընթացակարգի գնահատող հանձնաժողովի 04.06.2020թ. նիստի թիվ 6 արձանագրությամբ արձանագրվել է, որ Ընթացակարգի 15-րդ, 16-րդ, 17-րդ, 26-րդ, 29-րդ, 30-րդ, 31-րդ, 33-րդ, 46-րդ, 49-րդ և 50-րդ չափաբաժինների մասով ընտրված մասնակից ճանաչված «Saba» LTD-ին 14.05.2020թ. ներկայացվել է պայմանագիր կնքելու առաջարկ, սակայն վերջինիս կողմից սահմանված ժամկետում չի ներկայացվել «ԵՄ-ԳՀԱՊՁԲ-20/28» ծածկագրով վագոնի պահեստամասերի ձեռքբերման պայմանագիրը, որակավորման և պայմանագրի ապահովումները, ուստի «Գնումների մասին» ՀՀ օրենքի 36-րդ հոդվածի 3-րդ մասի համաձայն՝ Ընկերությունը զրկվել է պայմանագիր կնքելու իրավունքից:

4. «Saba» LTD-ն 20.05.2020թ. Ընթացակարգի քատուղարի [gspoyan.ani@mail.ru](mailto:gspoyan.ani@mail.ru) էլեկտրոնային հասցեին ուղղված գրությամբ հայտնել է, որ «Saba» LTD-ն հրաժարվում է «ԵՄ-ԳՀԱՊՁԲ-20/28» ծածկագրով պայմանագիրը ստորագրելուց:

#### **5. ՀՀ գնումների հետ կապված բողոքներ քննող անձի հիմնավորումները և եզրահանգումը.**

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության 12.06.2020թ. թիվ 26/26-1/8759-2020

գրությունը, «Կարեն Դեմիրճյանի անվան Երևանի մետրոպոլիտեն» ՓԲԸ-ի 08.06.2020թ. թիվ 39/02-15-352 գրությունը և կից փաստաթղթերը, հայտնում եմ հետևյալը.

«Գնումների մասին» ՀՀ օրենքի (հետայսու նաև՝ Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

**բ. որպես ընտրված մասնակից հրաժարվել է պայմանագիր կնքելուց,**

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

«Կարեն Դեմիրճյանի անվան Երևանի մետրոպոլիտեն» ՓԲԸ-ի կողմից կազմակերպվել է «ԵՄ-ԳՀԱՊՁԲ-20/28» ծածկագրով գնանշման հարցման ընթացակարգ, որին մասնակցելու նպատակով հայտ է ներկայացրել «Saba» LTD-ն:

Ընթացակարգի գնահատող հանձնաժողովի 07.05.2020թ. նիստի թիվ 5 արձանագրության համաձայն՝ «Saba» LTD-ն Ընթացակարգի 15-րդ, 16-րդ, 17-րդ, 26-րդ, 29-րդ, 30-րդ, 31-րդ, 33-րդ, 46-րդ, 49-րդ և 50-րդ չափաբաժինների մասով ճանաչվել է հաղթող (ընտրված) մասնակից և որոշվել է անգործության ավարտից հետո հրավերով

նախատեսված կարգով վերջինիս հետ կնքել պայմանագիր:

Ընթացակարգի գնահատող հանձնաժողովի 04.06.2020թ. նիստի թիվ 6 արձանագրությամբ արձանագրվել է, որ Ընթացակարգի 15-րդ, 16-րդ, 17-րդ, 26-րդ, 29-րդ, 30-րդ, 31-րդ, 33-րդ, 46-րդ, 49-րդ և 50-րդ չափաբաժինների մասով ընտրված մասնակից ճանաչված «Saba» LTD-ին 14.05.2020թ. ներկայացվել է պայմանագիր կնքելու առաջարկ, սակայն վերջինիս կողմից սահմանված ժամկետում չի ներկայացվել «ԵՄ-ԳՀԱՊՁԲ-20/28» ծածկագրով վագոնի պահեստամասերի ձեռքբերման պայմանագիրը, որակավորման և պայմանագրի ապահովումները, ուստի «Գնումների մասին» ՀՀ օրենքի 36-րդ հոդվածի 3-րդ մասի համաձայն՝ Ընկերությունը զրկվել է պայմանագիր կնքելու իրավունքից:

«Saba» LTD-ն 20.05.2020թ. Ընթացակարգի քստուղարի [gspoyan.ani@mail.ru](mailto:gspoyan.ani@mail.ru) էլեկտրոնային հասցեին ուղղված գրությամբ հայտնել է, որ «Saba» LTD-ն հրաժարվում է «ԵՄ-ԳՀԱՊՁԲ-20/28» ծածկագրով պայմանագիրը ստորագրելուց:

Այսպիսով՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե որպես ընտրված մասնակից հրաժարվել է պայմանագիր կնքելուց:

Ուսումնասիրելով «Կարեն Դեմիրճյանի անվան Երևանի մետրոպոլիտեն» ՓԲԸ-ի կողմից Ընթացակարգի շրջանակներում ներկայացված հիմքերը, դրանք համադրելով գործում առկա ապացույցների հետ՝ արձանագրում եմ, որ «Saba» LTD-ն թույլ է տվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «բ» ենթակետի խախտում, քանի որ ընտրված մասնակից ճանաչվելուց հետո՝ 20.05.2020թ. Պատվիրատուին ուղղված գրությամբ, հրաժարվել է պայմանագիր կնքելուց:

«Գնումների մասին» ՀՀ օրենքի 50-րդ հոդվածի 7-րդ մասի 2-րդ կետի համաձայն՝ Գնումների հետ կապված բողոքներ քննող անձը որոշում է կայացնում մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու մասին:

Օրենքի 6-րդ հոդվածի 2-րդ մասի համաձայն՝ անձը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է երկու տարի ժամկետով:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության 12.06.2020թ. թիվ 26/26-1/8759-2020 գրությամբ «Saba» LTD-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել և «Saba» LTD-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների հետ կապված բողոքներ քննող անձի որոշումն ուժի մեջ մտնելու օրվանից հաշված երկու տարի ժամկետով:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված  
բողոքներ քննող անձ՝**



**ԳՐԻԳՈՐ ՆԵՐՍԻՍՅԱՆ**